



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, 1663

S. Eleutherius Abb. 6. Septembris.

urn:nbn:de:hbz:466:1-41940

6.Sept. VITÆ SANCTORUM. 555
projecterunt. Atque h̄i quidem præivere
triumphantem EUDOXIUM, qui ex e-
quulco veluti è triumphali curru accepta-
pro cæli patriâ vulnera jactabat. Secuti
deinde sunt amici integerrimi Macarius
& Zeno, hic in ipso loco supplicii ab Eudoxio,
ille à BASILISSA EUDOXII
conjuge ad triumphi pompa invitatus.
Itaque non sæpè cælum tot armatos una
recepit. Agite tamen, ô Sodales Maria-
ni! non ideo subire cæli mœnia minùs
contendite; liberalior Deus Romulo
est; coronam auferet, etiam qui ultimus
transcenderit. Ex Metaphr.

Si fidem & fiduciam tuam jactes in li-
vores & vulnera Crucifixi & in tuæ salu-
tis usum convertas memoriam Dominicæ
passionis, erit sanguis ipsius pretium re-
demptionis tuæ, mors ejus convertetur ad
vitam, dolor ejus in gaudium tuum, in
tuum honorem ejus opprobria. S. Bern. de
char. c. 34.

S. ELEUTHERIUS ABB. 6.Septembri.

Minimam laudem à nostro calamo
ELEUTHERIUS accipiet, qui
maximam jam olim à Magno Gregorio
acepit. Suimma est, D. Gregorium sub
ultimum verni jejunii diem, mediæ, ob
imbecilliores stomachum, succubitu-
rum fuisse, nisi pulpam latranti ELEU-
THERIUS preces suas objecisset. Id
bene-

556 VITÆ SANCTORUM. 6. Sept.
beneficium Gregorius non modò stylo,
sed facundâ etiam picturâ in templo lo-
cutus est. Quin & mortuum ajunt ab E-
LEUTHERO precibus denuò anima-
tum ; sed nos dæmoni eruptam prædam
laudamus. Fortè ex itinere Divus ad sa-
craum Virginum Asceterium diverterat,
in quo puer agebat atri genii obses. Non
ausus est eâ nocte malus hospes puerum
torquere, sanctiorem hospitem veritus.
Itaque illi domum patronum suum se-
quitur. Hic etiam pacem crederes : sed
induciæ tantum erant. Dum enim ELEU-
THERIUS alieni cœnobii vires elevat, suas
laudat, redux velut ex insidiis hostis solo
adolescentulum affligit miserisque modis
discruciat. Sed obfuit provocasse ELEU-
THERIUM. Neque enim hic priùs cum
suis pugnare precibus desit, quām peni-
tūs statione non suâ orcum pepulisset.
Nunc similes pugnas cur non spectamus?
anne quos dæmon timeat, ELEUTHERII,
an quos agit, pueri desunt? Ex Gratio.

*Quoties honor nobis nolentibus ingeritur,
mecessarium est ut in pavimento cordis sub
districto disciplinæ pede calcetur, & velut
venenatus serpens in ipso suggestionis capite
idum sentiat, ne in extremo bonæ operatio-
nis calcaratum movere præsumat. S. Petr.
Dajnian.*

S. STE-